

Велосипед дене тўня мучко

✦ Путешественник Владимир Ильин да актриса Тамара Краснован велосипед дене путешествийыш лекмышт нерген газетна возен ыле. Нунын корнышто улмышт нергенат увертаренна. А ынде редакцийышкына мўндыр Норвегий гыч увер тольо.

Т.Краснова ты элыш кайыме корнышто шуко вере моноспектакльже дене верысе калыкым куандарен, но Оулу олаште выступатлымыш деч вара чот нойымашым шижынат, мўнгө толаш лектын. А В.Ильин корныжым умбакыже куча.

Лапландийыште марий путешественник мемнан землячкынам, Морко районьшто шочын-кушшо Надя Эчейкинам вашлийын да тудын йочажым тынеш пуртымаште лийын. Морко ўдыр-влаклан финн каче-влак чот келшат, коеш: 16 августышто Надян Роза акажат тушкак марлан лектын. Мо онайже: Владимир Ильин финн качын (Тауно Хяккиненын) чак айдемыже — свидетельже — лийын.